



Broj: JN-OP-801-//2024

Datum: 19-08-2025

PREDMET: Pojašnjenje tenderske dokumentacije

U sjedištu Ugovornog organa dana 11.08.2025. godine, pod brojem protokola: JN-OP-801-8/2024, zaprimljen je Zahtjev za pojašnjenje tenderske dokumentacije, broj: JN-OP-801-6/2024 u postupku javne nabavke (Nabavka Rekonstrukcije TS 110/x kV Goražde 1), dostavljen od strane privrednog subjekta (Energoinvest, d.d.–Sarajevo), u kome se traže sljedeća pojašnjenja:

Pitanje 1:

Pažljivim čitanjem tenderske dokumentacije i sve priložene dokumentacije nismo uspjeli pronaći dispoziciju kao ni bazne crteže po kojima bismo mogli steći bolji uvid u raspored opreme u stanici i kako bi se mogla spremati kvalitetnija ponuda. Svima je u interesu da dobijete tehnički najkvalitetniju ponudu pa Vas na osnovu prethodno navedenog molimo da nam dostavite dispoziciju stanice.

Pitanje 2:

U tenderskoj dokumentaciji na stranici broj 412, PRILOG BR.2, jednopolna šema nije čitljiva, što otežava razumijevanje traženog tehničkog rješenja. Molimo Vas da nam dostavite čitljiviju jednopolnu šemu po mogućnosti u .dwg formatu.

Pitanje 3:

Na stranici 395 prilog-projektni zadatak, odjeljak 13. Prilozi, naveli ste da se idejno rješenje TS 110/x kV Goražde 1 (dostavlja u elektronskoj formi). Pažljivim čitanjem i pregledom dostavljene tenderske dokumentacije isto nismo uspjeli pronaći. Molimo Vas da nam dostavite Idejno rješenje u što kraćem roku, kako bismo se adekvatno pripremili za planirani obilazak lokacije i spremili što kvalitetniju ponudu.

Pitanje 4:

Na osnovu činjenice da proizvođači primarne opreme u ovom periodu imaju kolektivne godišnje odmore kao i servis u fabrikama uz nedostajuće segmente tenderske dokumentacije kao što su: dispozicija, čitljivija jednopolna šema i Idejno rješenje, ljubazno Vas molimo da produžite rok za predaju ponude za minimalno 30 dana. Prethodno opisane poteškoće izuzetno otežavaju izradu tehnički i finansijski ispravne ponude.

Ugovorni organ u zakonski ostavljenom roku, shodno članu 56. stav (2) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24) daje odgovore sa pojašnjenjima kako slijedi:

Odgovor 1:

Dispozicija TS 110/x kV Goražde 1 i "bazni crteži" ne predstavljaju dio tenderske dokumentacije za Nabavku Rekonstrukcije TS 110/x kV Goražde. Obzirom da tenderska dokumentacija obuhvata detaljne tehničke karakteristike opreme koja treba biti predmetom isporuke, opis građevinskih i elektromontažnih radova predviđenih za izvođenje kao i projektni zadatak za izradu Glavnog projekta Rekonstrukcije TS 110/x kV Goražde 1, stojimo na stanovištu da dispozicija objekta i "bazni crteži" nisu potrebni za pripremu kvalitetne ponude. Ukoliko uvid u dispoziciju objekta i "bazne crteže" smatrate neophodnim za pripremu ponude, tenderskom dokumentacijom - tačka 10.2 ostavljena je mogućnost obilaska lokacije TS od strane ponuđača u skladu sa propisanom procedurom, a tom prilikom na uvid će vam biti dostupne raspoložive projektne podloge TS 110/x kV Goražde 1.

Odgovor 2:

Jednopolna šema, prilog Projektnog zadatka za izradu Glavnog projekta TS 110/x kV Goražde 1 – Rekonstrukcija transformatorske stanice, koja predstavlja sastavni dio TD bit će objavljena u boljoj rezoluciji. Vezano za razumijevanje traženog tehničkog rješenja Rekonstrukcije TS 110/x kV Goražde 1, isto je opisano tekstualnim dijelom TD-e a jednopolna šema daje samo simbolički prikaz VN i SN postrojenja u TS 110/x kV Goražde 1 sa minimalnim brojem tehničkih k-a primarne opreme. Sve potrebne, detaljne tehničke k-e sadržane su u TD, Prilog 8. Tehnički zahtjevi i specifikacije.

Odgovor 3:

Tenderskom dokumentacijom Prilog 8., Poglavlje B. Projektna i ostala dokumentacija, dozvole, saglasnosti na str.62/415 definirano je da će Idejno rješenje obrađeno od strane Naručioca, Dobavljaču biti dostavljeno u svrhu pribavljanja Urbanističke saglasnosti. Sam Projektni zadatak predstavlja Prilog 17. tenderske dokumentacije, kako stoji u Sadržaju TD-e na str.4/415, a prilozi Projektnog zadatka za koje nije drugačije definirano sadržani su u tenderskoj dokumentaciji.

Odgovor 4:

Postupajući po članu 40 ZJN, Ugovorni organ je odredio dovoljan rok za dostavljanje ponuda. Razlozi koje ste naveli nisu dovoljni da bi se taj rok produžio.

S poštovanjem,

Predsjednik Komisije
za JN-OP-801/2024

Dubravka Livnjak